

AIMONO

1. EIPONE LO ITARAUNET ISIRIGIN LU IMONOTAI AUPASIA KON

1) *Inyobo aimono?*

Aimono ngesi aswamisiot na agitanar atutubet na isirigin lu idumununei ijo kanu aitosom koingaren. Mam iswamao ngesi irwan atipe konye eyangaikini apak. Eraun ijo ber aipal nuitetelete kanu oingaren na ejok. ipedori aimono oipone lo isirigin arai itosomai isirigin kon agwelia iboro kwape nat akinej, akituk arai alupok.



Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

2) “Idiope katukot idiope iswamaunete aibunget”

Mam ijo ipuda isirigin luipu kanu ageun aimono. Arai isiomi ijo, irai akorion, esisianakinan, anaasit, lo iswamai aingadis na apiyai, , lo igwelanari kosokoni arai agwelanaran ecie kere, ipedori ijo agitanar isirigin idis kamearit. Ne imearitor Ijo aimono, ipuaros isirigin kon kwape da itodikitere ijo kokwap kane.

EKIROR	ELAP LOSODIT	ELAP LOIAREIT	ELAP LOIUNIET	-----	ILAPIO AKAISAAREI IWONGON	AIMONO, KERE ETUKKOKIN
John	10,000	10,000	10,000	10,000	10,000	240,000
Jolly	50,000	50,000	50,000	50,000	50,000	1,200,000
James	100,000	100,000	100,000	100,000	100,000	2,400,000

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■


3) Kitosom isirigin idis kanu aimono luipu

Ipedori ijo aimono koipone lo aitosom isirigin idis. Aitidisiar aimat imaten lu itemerikinete ka agwelio na igoen lu itetiak kanu kangin pucit ngesi isipedori ijo aimono isirigin luipu kanu aidar aijar kon ka lu okalekon ejok koingaren.

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

4) Kisinyikok ikoku kon aimono

Ekot auriak aisisianakin idwe kec ageun aimono kanu alosikinet ne eringatar edisiak. Ingarakini na idwe amisikin ameda na isirigin keda adukun einono lo aimono eringa edisiak. Kipedori aingarakin ikoku aimono isirigin asaduku nadidi arai amukebe nadidi (piggy bank).



Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

5) Imono kanu ainac apesenin nu mam ebeit ti ojaasi

Isirigin lu Aimonio kes eipone lo itelekarit kakere kanu atacanara akirosinei nu kangin paaran bala nat isirigin lu esomero, anapito ka isirigin lu amukian. Itelekari aimono kanu akirosinei ka angun itia aikopa isirigin kwape aanyunet, eringa apak, mam aticepak bobo ijo ikotokin aikopaun isirigin lu asioman arai aikopaun epapero isirigin atacia isirigin lu esomero. Karaida acie apakio elomarete itunga atiokisio nu apesenin koipone lo aikopa tai tai, mam egeunete atiokisio nu aimono.

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

6) Kojaatatar duc kede isirigin lu engesio

Isirigin lu imonot ijo ingarakinete aitemonokina atiokisio nu engesio arai ngun nu mam ti eomitai ebe iti ejaunos kwape nat adeka, akangasia, atwananiar aswam, engeso, akamu, atwanare, akiru naepol na emunamunai iraan kanu ikote nen. Ojauntene kangon, isirigin lu imonot ijo ngesi ingarakinete aikwarun. Koanyu ebe ingadai ijo isirigin lu engesio. Karai ejai ijo atiror aitosom isirigin lu engesio, kotacak atipet kwa ipedoria.

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

7) Kimono kanu asuban nu itegelikina

Kojatatar ka akauta na aimono arai asaduku arai amukebe nadidi kanu aimono tetere itemonokinere asuban nu itegelikina bala nat ainumunum aurio, aiwen epeta ka alosit aiyeng akwapin acie.

Ipedori alingakin akapanakin kanu asuban nu ngesi atemar aimono adaun apak na eoja.

Kwape aanyunet, arai ebeit epucit lo aiwen epeta kangesiet na ekaru kangon, ipedori akapakin aimono ilukumin akwatat (100,000) kangin elap adaun ilapio akaisarei. Edoluni do apaaran na epeta, edumuni ijo itukok imilionin iarei (2,000,000). Erai apedor kon aijen isirigin kon arai ikapakin ijo ido kimono kanu ipucito ka ngun.

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

8) Koseu eipone ka ne ikoto ijo aimono isirigin.

Irwan apu idumuni oni aijamam kanu ailokony aimon abalasi ebe imamate oni kede isirigin lu edolito arai mam oni ijeni eipone lo imonoet keda ne imonoet. Ne ejaasi asekuneta nu ipedori ijo airereun.

- Aimonio keda akauta kon na aingadis apiyai arai Microfinance Deposit –taking Institution (MDI). Ipedori aimon kitosomai isirigin luimono kamearit arai aicorakinet na aingadis atubonor isirigin kon kangin elap akauta kon na ilemio isirigin adio pak kere aijular akauta na aimon.
- Aimon kokwap na atukot kwape nat SACCO, aimono na ocaalo keda atukot na ikopanari isirigin, ipapero lu imorikikinos nepepe kosodete aimono kamearit.
- Aimon icie isirigin bala nat ikayai asaduku arai amukebe nadidi (piggy bank) kore kamearit ido konye ayangar aingadis na apiyai ilelebun. Iswamai na ejok kane ejasi idwe naarai isisianakini kesi aimono ka aitopolor isirigin eringa edisiak.

Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

9) Koyuwa isirigin lu imono ijo

Mam acie ne imono ijo, koanyu ebe eyuwara isirigin kon.

- Oriongeta lu ecamakinit ekisil aitolot akiro nu apiyai kwape nat aingadisia nu apiyai nu apolok (commercial banks) ka Micro-finance Deposit taking Institutions (MDI's), eyuwara isirigin lu imonoi ijo kiton imillionin iuni (3,000,000/-). Arai egolokit atukot na, itacio ijo kitoni isirigin imillionin iuni, imina ijo adumun icie ko sirigin kangun arai isirigin kon kere ne etacaria atukot apesenin ke. Atukono nu ecamakinit ekisil mam egolokinio tai kwape da irereo Bank of Uganda eiswamae kec aanyun ebe emunokinos itunga kes.

- *Kotoma o' SACCO's idis bon eyuwaritere isirigin kede SACCO, erai na acobeu aingitaar ber imeban icie nu aanyutu kesi eringa ijo egeuni aimono keda kes. Koany da bobo ebe ijeni ido komuno ikapolokitok SACCO ngon lu eyaitos eiddare lo apiyai kon.*
- *Ne imono ijo keda atukot na aimono ko ocaala arai erionget lo ipapero kon, koanyu ebe ipedori ijo amunokin imeban icie katukot ngin ido kingitununei eitosomae lo apiya tetere mama itunganan ekeria isirigin kon. Koanyu dab obo ebe idario isirign lu atukot koyuwara kane mam epatanar akokwar.*



Ekiliokit■ Aberu■ Imakio■ Atumunak■ Lu ocaalo■ Lu otaun■ Atenu na apugan ■ Atenu na mam iswamai apugan■

10) Kitosom isirigin lu imono ijo ejok. Keda ameda na epol ka isirigin lu tacan ikidioko.

Ne imono ijo atacio ameda. Kanu aitosom ikon sirigin lu imonot ijo ejok, kisisiau.

- *Ameda na etia ai idumuni ijo. Aingadisio na apiyai nui pu ejaas ka ibein lu ameda lu egelegela. Icie etacete elap icie da ekaru kitirian kes kere.*

- *Isirigin ngun lu itisilaret lu itaci ijo aticepak kojaasi isirigin lu pukoret akauta lu ebeit ijo aitac, lu idarere akauta, lu lemnet ka aibwaikin isirigin akauta ka acie da.*
- *Aikwenyareta nu ibusakinit ijo aijaikin eringa elemara isirigin kon ka aitisilaret na eipone kani arai ejai kilema ijo isirigin kon eringa apak.*

Ekiliokit ■ Aberu ■ Imakio ■ Atumunak ■ Lu ocaalo ■
 Lu otaun ■ Atenu na apugan ■ Atenu na mam iswamai apugan ■

11) Adokena aongon nu idumunet alosikineta kon nu aimono

Kotupak adokena nu aongon tetere idumuni alosikineta kon nu aimono.

Koseu ibore yen ikotor ijo aimono ido kisisiau isirigin idi eyangaikini- arai erai agwela etogo, alupok, ageun aitojokaar agwelanar, asioman arai aimono kanu isirigin lu esomero lo ikoku kon. Koanyu ebe erai alosikinet na imono ijo na abeit ido mam elitoro noi.

Kogeu aimono kopana nepe igeara ijo katipe, nepenen idolio ijo ngina katipe.

Kibwaik isirigin lu imono ijo ameda, na ejok.

Komete aimono adaun apak na eoja. Eipone. Ngon bon etukunotor isirigin kon.

Ekiliokit ■ Aberu ■ Imakio ■ Atumunak ■ Lu ocaalo ■
 Lu otaun ■ Atenu na apugan ■ Atenu na mam iswamai apugan ■

12) Isirigin lu imonot ijo iinakinete ayuara kakiro nu isirigin keda eyaitene

Ne imono ijo, ijaasi ijo keda eipone lo ayuara kakiro nu isirigin ka eyaitere. Ipupi do ijo ebe iyait ijo akiro nuipu ido bobo da ibwoi bon itosomai isirigin kon ilope itia isirigin lu ilipuna erai isirigin lu iinakitai ijo taai.

Ekiliokit ■ Aberu ■ Imakio ■ Atumunak ■ Lu ocaalo ■
 Lu otaun ■ Atenu na apugan ■ Atenu na mam iswamai apugan ■

13) Koseu aimono keda aingadis na apiyai na eapiei adolokin ka aiswamanar kede. Ekoto gwai ber;

- *Koyuwara ido kidari tete.*
- *Kopatana ijo aitosom komam da kitapasi.*

- *Kopatana adolokin katipe.*
- *Kojaasi keda eipone lo pukores akauta kapatan*
- *Kojaasi ka ameda na epol osirigin lu imono ijo.*
- *Komamete keda isirigin lu etubonorio akauta kon (koanyu ebe ameda kon na kangin elap epol adepar isirigin lu etubonorio kangol elap)*
- *Kopedoritos ayongit ijo ido da kayaitos ijo ejok bala itunganan yen iswamanara kakes.*

Ekiliokit ■ Aberu ■ Imakio ■ Atumunak ■ Lu ocaalo ■
 Lu otaun ■ Atenu na apugan ■ Atenu na mam iswamai apugan ■

14) *Kitosom aicoretait na iinakino ijo aingadis atacenen icie itunganan isirigin ko akauta kon kangin elap (standing order)*

Aiticepak mam ijo ipedori aipugauna aimono kamearit. Ipedori do ijo aicorakin aingadis atubonor isirigin kon lu imonoo kamearit. Erai na aicoretait nejai aingadis apiyai atacenen isirigin lu itutubi ijo kamearit anyoun akauta adiope toni nace. Konye kojenu isirigin lu etubonorio kanu aiswama nu. Arai iswamai ijo, ipedori da ailip lu idumakinito ijo aswam aijukar icie kosirigin lu itacio ijo kangol elap akauta kon na aimono.

Ekiliokit ■ Aberu ■ Imakio ■ Atumunak ■ Lu ocaalo ■
 Lu otaun ■ Atenu na apugan ■ Atenu na mam iswamai apugan ■

15) *Kodum luipu kanu isirigin kon-kitosom fixed deposit account.*

Erai na akauta na egolorere isirigin lu etia ecie adaun apak acie kitosomaate ameda na mam ijulakinio. Itelemuno ijo isirigin lu itisilaret arai kilema ijo isirigin kon eringa apak na itutubtai kedolo. Etia lo ameda ke ikeara adepar ngon lo akautan acie, aso erai do lo eipone lo ejok aidaria isirigin lu imono ijo konye bon ibwaik isirigin akauta na arai ijeni ijo ebe ipedori agolor ber kes adaun apak na itutubi ijo.

Ekiliokit ■ Aberu ■ Imakio ■ Atumunak ■ Lu ocaalo ■
 Lu otaun ■ Atenu na apugan ■ Atenu na mam iswamai apugan ■



2. NU EBEIT NGIN ITUNGANAN AIJEN

- **Imono isirigin lu ipedori ijo kere, ido kotoma atipet.** Ne ipuakatar isirigin lu imonot ijo, nesi do itoruni ijo da ajaut ejok.
- **Idumununei isirigin, ekot imonoi da.** Igitana ijo iboro idiopen idiopen eraunos ekesit ikote nepenen.
- **Kotam aimono itomon kangul kwatat (10%) lu isirigin idio kere lu idumuni ijo,** araida emamei ber ijo apeleikinet adio na imonoo ijo isirigin ngul.
- **Kogeu ber koropak in ijo bon;** kogita ber itomon kangul kwatat lu isirigin lu idumuni ijo kere eringa ijo egeara aiswamaun idiobore kere. Arai mam ipedori agitar itomon kangul kwatat isawan ngupengul, kogue kede idis, konye ibore yen epol nesi ebe igitarit ber ijo idiobore awai kanu aimono.
- **Irwana** eipone lo eponiata isirigin kon aiyatakin ketubor apak arai imonoenenei ijo duc toma akaunta na edumununei ameda.
- **Mam idakit isirigin lu ipu** — kinacite cut aimuye na aitwasam isirigin tai tai!
- **Kitwasam idis tetere imonoi lu ipu.** Arai itidisia ijo aitwasam isirigin anyamia, kwape nat agwelianana ajon kede igoen lu itetiak kanu ainumunum adio kere na ejaun, ipedori do ijo aimounoun isirigin lu iyatakina lu ingarakinete ijo kede ekale kon mwakacet koi ngaren.
- **Kitwasamai isirigin kocoite.** Arai igweli iboro lu epolok, irereo ber etiai lo ipedoria ijo agwelara kesi. Kotam duc aimo iwaitin lu ideikinotor ijo isirigin idis koipone lo aijumulaunun iboro lu mam ebosete tetere etiai ijesuna.
- **Kotacana apesenin kon.** Ejaasi itunga lu itojokaaritos aige ber atacar apesen na ijaatatar konye konye igeuni aimono isirigin. Icie itojokaaritos arasakin aimono araida iuta aitac apesen, naarai ebe epolok nu agear atukonokin iboro eringa apak, lu da mwakacet ingarakinete ijo. Elomuni do ngin kane ejaasi alosikineta nu itunganan ilopet, ejautene ke kede etiai lo isirigin lu edumununei ngesi. Mam cut ibusakit apesenin kere nu ekale edio adepar 36 kangul kwatat (36%) na isirigin kere lu edumununei ekale ngol. Etapit duc itunga adoenen toma “atiokusio nu apesenin” nu elomunete koipone lo aikopaunun isirigin tai tai, konye mam idumuni ikesa kwi edoete toma “atiokusio kanu aimono”.
- Isirigin lu imonotai kesi cut etubitos kanu aigaligala eipud lo kangin paaran, kwape nat atacia isirigin lu esomero, agwelai igoen nepepe ka adumununia amukean. **Etubit cut aimono isirigin kanu aisinapikina eipud kwa kangol itia alosit aikopaun isirigin.** Kwape awanyunet, arai ilingak ijo aimono isirigin kanu asioman na ikoku kon, apolou ke ebe mam aticepak ijo ejaun eipud lo aikopaun isirigin k’obank araibo kane ejai opapero kon kanu atacia isirigin lu esomero.
- **Ekot ijo duc agitarit isirigin lu idarete nu engeso lu edolete eropit kon lo ilapio iuni toni ikany kape aingadakit nenidio.** Ipedori do aitwasam isirigin ngul arai itwania ijo aswam kon, arai etubun adeka na atipet, nepepe ka aigaligala atiokusio da acie nu etubununos. Epedorete isirigin kwa kangul alemar ijo apod na epol.

- **Edolit aingadakit isirigin lu idarere engeso akaunta na egitara.** Kopuko akauntan aarei nu imonoi ijo isirigin — adiopet na idari akiro nu engeso na da epanikit ijo alosit alemun isirigin toma ke, ido komam itatacio isirigin lu ipu kanu alemun isirigin kotoma ke, doodo adiopet ya na imonoi ijo kanu alosikineta acie nu ipuda ijo aitodolikin, ido kotiono ijo alosit alemun isirigin kotoma ke (tetera mam imuyi alosit alemun isirigin ngina). Ibore yen epol nesi awanyun ebe ingadat ijo isirigin icie “ne mam epatana alemunia kesi”.
- **Komou iponesio lu imonoere isirigin lu da iriamara kede alosikineta kon nu aimono.**

3. IJO, IJENI NU IPU NU IKAMUNITOS AIMONO NA ISIRIGIN?

AINGET – AKIRO NU ELIMORO KANE ERAASI NU ABEIT ARAIBO MAM?

1. Eyuara isirigin ka k’ore adepar obank.

Mam eraasi nu abeit – epatana isirigin kon akokuar k’ore, arai mam akim, ikok kede itiangi luegelegela anyamara. Konye kotoma oriongeta lu ejatatar kede alasisin nu aidar apiai, kwape nat o’Bank araibo Microfinance (MDI) na ecamakitali aidar isirigin lu eyangaanarete itunga, eraasi isirigin kon lu ebwaaaritai toni otiai lo 3,000,000/=.

2. Ibusakit eong adumun ameda adio arai engadak eong isirigin ka toma akaunta na imonoo isirigin.

Abeit – Konye ekot ber ijo aituput itiaisinei lu ameda na etacete iriongeta luegelegela, kosodi da bobo airereor isirigin lu itatacio kanu aidaria isirigin kon kangina nepepe ka etiai lo egeleit arai idiaka ijo.

3. Etacio ameda na ikiara kanu akauntan nu ibwaikinio isirigin adaun apak na itutubitali komam alemun adepar ngun nu duc imonoere.

Abeit – kanu kesi agolor isirigin kon adaun apak na itutubitali, etacete lu obank ijo ameda na ikiara adepar na lem.

4. Emamei ajokus ajaut kede akaunta na idarere isirigin lu egitaritai kanu engeso, naarai apedori eong aijaun eloon adiopak kere.

Mam eraasi nu abeit – Kiitunite ebe emina ayangaikin ijo apak na eaja adumun eloon, imina ijo amamut kede iboro lu ibwaara eloon ngon ido ibuni ijo aitac ameda kanuke! Kanukangun, etubitos nu ijo ajaut kede akaunta na idarere isirigin lu egitaritai kanu aigaligalia atiokusio kwape nat adeka, akangasia, atwakisia araibo akamu.

4. KITEMONOK EIPONE LO IMONOO IJO ELOPET ISIRIGIN KON

ADOKETAIT NA 1: ISIRIGIN LU IDUMUNUNEI IJO

Kotoma (olap ediopet, olapio ikany kape, okaru ediopet) lu eponitos kakonye, abuni eong adumunun isirigin:

(Kojen nuta: Ebeit ijo aimarakin eropit kon ekaulo na ijo alemar igaraaman kere, isirigin lu etapit ijo adumunun kotoma aswamusinei kon nu aiman, isirigin lu edumununei aberu/ekiliokit kon, isirigin lu edumununete itunga icie lu okake kon, isirigin lu idumununei ijo kane ejaasi lu ipagisatos itogoi kon, isirigin icie lu idumununei ijo kanenicie kede icie iwaitin da lu idumununia ijo isirigin.)

ADOKETAIT NA 2: IBORO LU IPUDAS ISIRIGIN

Kotoma apak ngipengin abuni eong aitwasam isirigin kanu iboro kaluta:

(Kojen nuta: Ebeit ijo aimarakin iboro lu ipuda itunganan duc kotoma aijar ke kwape nat inyammat, etogo, igoen, eipone lo alosit nepepe ka atacanario na apesenin kede iboro icie lu eseuni itunganan kotau ke.)

Biai, ejaasi idioboro lu apedori eong aipal tetere apedori aimonoo isirigin lu iyatakina?

ADOKETAIT NA 3: ISIRIGIN LU ESALAKINETE KEDE IJO EKAULO NA AITAC IGARAAMAN KERE & ISIRIGIN LU ILOSIKIT IJO ATUKUN

KOIPONE LO AIMONO

Isirigin lu esalakinete kede ka eong ekaulo na aitac igaraaman kere kesi epote araut (isirigin lu adumununei eong kere kolema isirigin lu etwasamai eong atacanara arai agwelia iboro luegelegela):

Kanukangun apedori do eong atemar ebe isirigin lu alosikit eong atukun koipone lo aimono kesi epote araun:

ADOKETAIT NA 4: AIBO & EIPONE BO ANI ABUNIO EONG AIMONO ISIRIGIN KA?

(Awanyunet: Apedori eong alosenene obank irwan atipet ngol esabiiti/elap kanu aimonoikin isirigin toma akaunta ka. Apedori dab obo eong ailip lu apolokitos eong kotoma aaswam aijukanar atutubet na eropit ka laiye akaunta ka na emonoinikini eong isirigin.)

ADOKETAIT NA 5: BIAI APEDORIA EONG ATUPAKIT AIREREONOR EIPONE LO ELOSIO AIMONO KA INGAREN?

(Awanyunet: Apedori eong aiducokit awanyanar iripootan lu ebank lu ikamunitos isirigin lu elomanarete kede lu elemanario kotoma akaunta ka.)

5. NU IBUSAKIT NGIN ITUNGANAN KERE AIJEN KANGUN IKAMUNITOS AIMONOO NA ISIRIGIN

Ameda	<i>Erai lo etiai lo isirigin lu imario kangul kwatat ido itatacete araibo otacete itunga kanu aitwasam araibo aingada isirigin.</i>
Ayuara na itorunit osirigin	<i>Erai na ayuara kotoma ocan araibo kotoma oipud, na da itoruni toma ajaut kede isirigin.</i>
Apesen	<i>Erai na aburan na icorakitere ijo atacakin yenicie itunganan idiobore</i>
SACCO (Atukot na edukunitos itunga kanu aimono isirigin kec kede kanu aikopaunun isirigin)	<i>Erai lo eguruupu lo itunga, gwadigwai 30, lu imorikikinos kanu aimono isirigin nepepe ka aikopainikin isirigin. Erai duc eguruupu ngol lo ebeit itunga ikulepek, korai da kesi ikulepek eyaitos akiro ke nepepe ka aingarenikit da.</i>
VSLA	<i>Erai lo eguruupu lo itunga kalu emorete aimono isirigin kec, ido epedorete do aijaunun iloonin lu edisiak kotoma atukot kec. Emina eguruupu kwa kangol araut lo edauni ekaru ediopet kosodete do imeeban akorokor isirigin kede ameda kec na etukuno</i>

**Ebank lo epukonoriatar itunga akauntan
(Commercial Bank)**

*Erai na aingadis na apiai na itolosi
aswamusinei nu ikamunitos isirigin ido
ijaanakini itunga lu epukoritos akauntan
kotoma aingadis ngin.*

MDI

*Eraasi iriongeta luka microfinance lu
ekorakitai alasiisin kanu aitolot aswamusinei
nu ikamunitos isirigin nu eyapianara kede nu
iswamai ebank, ido Aingadis na Apiai na
Apolon kakere (Bank of Uganda) nesi
imanimani nu iswamaete kesi.*
